

Ո Ր Ո Շ Ո Ւ Մ

«21» ապրիլի 2015թ.

N 238-Ն

ք.Ստեփանակերտ

ԱՇՆԱՆԱՑ ԱՆ ԵՎ ԳԱՐՆԱՆԱՑ ԱՆ ՄՇԱԿԱԲՈՒՅ ՍԵՐԻ ՍԵՐՄԱՑ ՈՒԻ ԱՐԺԵՔԻ ՄԱՍՆԱԿԻ ՍՈՒԲՍԻԴԱՎՈՐՄԱՆ ԿԱՐԳԸ ՀԱՍՏԱՏ ԵԼ ՈՒ ՄԱՍԻՆ

«Իրավական ակտերի մասին» Լեռնային Ղարաբաղի Հանրապետության օրենքի 13-րդ հոդվածին համապատասխան՝ Լեռնային Ղարաբաղի Հանրապետության կառավարությունը **որոշում է**.

1. Հաստատել աշնանացան և գարնանացան մշակաբույսերի սերմացուի արժեքի մասնակի սուբսիդավորման կարգը՝ համաձայն հավելվածի:
2. Լեռնային Ղարաբաղի Հանրապետության գյուղատնտեսության նախարարին՝ սույն որոշումն ուժի մեջ մտնելուց հետո տասնօրյա ժամկետում հաստատել սուբսիդավորման ենթակա աշնանացան և գարնանացան մշակաբույսերի սերմացուի տեսակները և դրանց սուբսիդավորման չափերը:
3. Լեռնային Ղարաբաղի Հանրապետության գյուղատնտեսության նախարարությունը՝ տնտեսական տարին ավարտելուց հետո՝ մեկամսյա ժամկետում Լեռնային Ղարաբաղի Հանրապետության կառավարությունն ներկայացնել հաշվետվություն՝ կատարած աշխատանքների և իրականացրած միջոցառումների մասին:
4. Սույն որոշումն ուժի է մտնում պաշտոնական հրապարակման օրվան հաջորդող տասներորդ օրը:

Լ Ե Ռ Ն Ա Յ Ի Ն Ղ Ա Ր Ա Բ Ա Ղ Ի  
Հ Ա Ն Ր Ա Պ Ե Տ Ո Ւ Թ Յ Ա Ն Վ Ա Ր Չ Ա Պ Ե Տ

Ա. Հ Ա Ր Ո Ւ Թ Յ Ո Ւ Ն Յ Ա Ն

**ԿԱՐԳ**

**ԱՇՆԱՆԱՑԱՆ ԵՎ ԳԱՐՆԱՆԱՑԱՆ ՄՇԱԿԱԲՈՒՅՍԵՐԻ ՍԵՐՄԱՑՈՒԻ  
ԱՐԺԵՔԻ ՄԱՍՆԱԿԻ ՍՈՒԲՄԻԴԱՎՈՐՄԱՆ**

**I. ԸՆԴՀԱՆՈՒՐ ԴՐՈՒՅԹՆԵՐ**

1. Սույն կարգով կանոնակարգվում են աշնանացան և գարնանացան մշակաբույսերի սերմացուի արժեքի մասնակի սուբսիդավորմանն ուղղված միջոցառումների իրականացման հետ կապված հարաբերությունները:

2. Սույն կարգի իմաստով օգտագործվող հիմնական հասկացություններն են՝

1) **աշնանացան և գարնանացան մշակաբույսերի սերմացուի արժեքի մասնակի սուբսիդավորմանն ուղղված միջոցառումներ** (այսուհետ՝ **միջոցառումներ**)՝ աշնանացան և գարնանացան մշակաբույսերի սերմացուի արժեքի մասնակի սուբսիդավորմանն ուղղված աշխատանքների իրականացում:

2) **աշնանացան և գարնանացան մշակաբույսերի սերմացուի սուբսիդավորում**՝ աշնանացան և գարնանացան մշակաբույսերի սերմացուի արժեքի մասնակի փոխատուցում:

3) **միջոցառումների մասնակից**՝ միջոցառումների իրականացման գործընթացում ներգրավված պետական և տարածքային կառավարման մարմինները:

**II. ՄԻՋՈՑ ԱՌՈՒՄՆԵՐԻ ԻՐԱԿԱՆԱՑՄԱՆ  
ԳՈՐԾԸՆԹԱՅԻ ԿԱԶՄԱԿԵՐՊՈՒՄԸ**

3. Միջոցառումների իրականացման գործընթացում Լեռնայի Ղարաբաղի Հանրապետության գյուղատնտեսության նախարարությունը (այսուհետ՝ նախարարություն) համակարգում և վերահսկողություն է իրականացնում միջոցառումների իրականացման գործընթացին կառավարմամբ:

4. Միջոցառումների իրականացման գործընթացում ներգրավված տարածքային կառավարման մարմինները՝ Լեռնայի Ղարաբաղի Հանրապետության շրջանների վարչակազմերը՝ յուրաքանչյուր տարվա համար, նախարարության ասիմանած ժամկետներում, նախարարություն են ներկայացնում աշնանացան և գարնանացան մշակաբույսերի սերմացուի պահանջարկի մասին տեղեկություններ՝ նշելով համայնքը (կամ պետական պահուստային ֆունդի հոդերը), ցանվող տարածքի մակերեսը և անհրաժեշտ սերմացուի քանակը:

5. Մասնակի սուբսիդավորման ենթակա է տրամադրվող, օրենքով սահմանված կարգով հավաստագրված աշնանացան և գարնանացան մշակաբույսերի սերմացուի արժեքի մինչև 50 տոկոսը: Արժեքի մնացած մասը հողօգտագործողներին կողմից վճարվում է կանխիկ, սերմացուի ձեռք բերման պահին:

6. Նախարարությունը, սույն կարգի 4-րդ կետում նշված տեղեկությունները ստանալուց հետո հնգօրյա ժամկետում, ընդհանրացնում է ստացված տեղեկատվությունը և դրա հիման վրա Լեռնայի Ղարաբաղի Հանրապետության ֆինանսների և էկոնոմիկայի նախարարությունն ներկայացնում համապատասխան հայտ:

7. Լեռնայի Ղարաբաղի Հանրապետության ֆինանսների և էկոնոմիկայի նախարարությունը՝ սույն կարգի 6-րդ կետում նշված հայտը ստանալուց հետո Լեռնայի Ղարաբաղի Հանրապետության սվյալ տարվա պետական բյուջեով այդ նպատակի համար նախատեսված միջոցներից հատկացնում է համապատասխան ֆինանսական միջոցներ:

### III. ՄԻՋՈՑ ԱՌՈՒՄԵՐԻ ԻՐԱԿԱՆԱՑՈՒՄԻՑ ԱԿՆԿԱԼ ՎՈՂ ԱՐԴՑ ՈՒՆՔՆԵՐԸ

8. Միջոցառումների իրականացումից ակնկալվող արդյունքներն են՝

- 1) տեղական աշնանացան հացահատիկային մշակաբույսերի արտադրության ծավալների ավելացման համար նախադրյալների ստեղծում.
- 2) համալիր միջոցառումների արդյունքում երկրի ագրոպարենային համակարգում համեմատաբար կայուն իրավիճակի ձևավորում.
- 3) ընդհանուր ցանքատարածքներում գարնանացան մշակաբույսերի տարածքների ավելացում և ցանքաշրջանառության կիրառում.
- 4) ցանքատարածություններին ընդլայնման, բարձրարժեք սերտերի օգտագործման և ագրոտեխնիկայի միջոցառումների բարելավման արդյունքում աշնանացան և գարնանացան մշակաբույսերի արտադրության ծավալացում:

ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ  
ԿԱՌԱՎԱՐՈՒԹՅԱՆ ԱՇԽԱՏ ԱԿՄՁՄԻ  
ՂԵԿԱՎԱՐ

Լ. ԳՐԻԳՈՐՅԱՆ

